

**GOBIERNO DI ARUBA TA
FORTALECE HUSTICIA CU
HOPI INVERSION**



WWW.SOLODIPUEBLO.COM



SOLODIPUEBLO@GMAIL.COM

TIN DECEPCION POLITICO ENTRE E VOTADONAN



FALTA DI ENDY CROES TA WORDO SINTI DEN DEPORTE Y ENSEÑANSA



7 CHAUFFEUR DETENI DESPUES JOUVERT MORNING



JOUVERT MORNING: ARMA CANDELA CONFISCA Y 21 DETENCION



Prome Minister Evelyn Wever-Croes: **GOBIERNO DI ARUBA TA FORTALECE HUSTICIA CU HOPI INVERSION**

Durante un entrevista den Interes di Pueblo na TOP FM 95.1, prome minister Evelyn Wever-Croes a señala cu e gobierno a haci hopi inversion den e area di husticia.


Aunke Aruba ta pasa den un reto, el a destaca cu ningun hende por duna garantia cu no lo tin reto. Sinembargo, el a enfatisa cu e pais ta mas sigur y cu esey ta un logro importante.

Prome Minister Evelyn Wever-Croes **TIN DECEPCION POLITICO ENTRE E VOTADONAN**

Durante un entrevista den e programa Interes di Pueblo, Prome Minister Evelyn Wever-Croes a comparti un anecdota tocante un votado cu no a duna su voto na MEP, pero tampoco tabata desea pa nan a sali for di gobierno, pasobra nan tabata satisfecho cu MEP su maneho. Wever-Croes a destaca cu hopi hende ta sinti decepcion pasobra FUTURO no a cumpli cu su promesa di goberna cu MEP, y a laga nan na caya.



PROBLEMA DI FAMIA NA PARADERA, HOMBER NO TABATA BONBINI MAS NA E CAS Y MESTER A BANDONA!



Diadomingo madruga a drenta informe di un problema na un cas na Paradera unda hasta un hende a bira malo, mesora a dirigi tanto polis como ambulans na e sitio.

Na yegada di e patrulla a bin compronde cu e problema a escala ora cu un homber a causa un rabiamento unda unda hasta un persona na e cas a bira malo cu hasta ambulans a presenta.

Polis a intermedia unda na final e homber no ta bonbini mas na e cas te cu e mester a recoge su pertenencianan y un familiar mester a busk'e y hib'e na otro adres. Mientras e personal di ambulans a atende e persona na e sitio mes.



Prome Minister Evelyn Wever-Croes: CONSTELACION NOBO NO TA WORRY RIBA FUTURO DI ARUBA

Prome Minister Evelyn Wever-Croes a muestra preocupacion cu Aruba ta confronta un constelacion di gobierno cu no ta duna prioridad n'e desaroyo y proteccion di e pais. Segun Wever-Croes, MEP a traha pa inversion significativo y ta haya reconocimiento y elogio p'esaki.

MUCHA DI 13 AÑA A BIRA MALO NA SCHOOL, DESPUES DI BASTA RATO DI CONTROL A HIB'E HOSPITAL



Diabierna mainta a drenta informe di cu un mucha muhe di 13 aña a bira na school Maria College, mesora a dirigi un ambulans na e sitio. Na yegada di e ambulans nan a atende e mucha muhe di 13 aña cu ta hopi zwak, no tin control di su curpa, ta hopi slaperig y no ta comunica hopi bon. Nan a atende y a haya ta necesario pa hib'e hospital.



Prome Minister Evelyn Wever-Croes: FALTA DI ENDY CROES TA WORDO SINTI DEN DEPORTE Y ENSEÑANSA

Segun Prome Minister Evelyn Wever-Croes, e salida di Endy Croes como minister, tabata un golpi p'e sector di deporte y enseñansa.

Mundo deportivo ta sinti su falta, mescos cu enseñansa, ta recorda e tranquilidad cu el a trece y e esfuerso pa modernisa nos sistema di educacion.



DAMA TURISTA A SLIP CU UN SCOOTER DAL ABAO HERIDA SU MES MALAMENTE



hotelnan highrise, mesora a dirigi tanto polis como ambulans na e sitio.

Na yegada di e patruya a bin compronde cu e dama coriendo cu un di e scooternan a slip dal abao riba algun di e piedranan grandi poni.

Na yegada di e ambulans nan a atende e dama y a transporte pa hospital pa ricibi atencion medico avansa.

Diadomingo madruga a un dama a accidenta y drenta informe di cu tin ta herida dilanti un di e

TURISTA A DAL ABAO NA E TRAPI NA BOCA MAHOS Y A KAP SU CABES

Diasabra atardi a drenta informe di un incidente unda cu un turista di edad cu a cay y a kap su cabes na e pool di Boca Mahos, mesora a dirigi un ambulans na e sitio. Na yegada di e ambulans a bin compronde cu e "tourguide" mes a yude cu un pleister pero pa mas sigur e mester atencion di ambulans y hospital. Despues di cu e personal di ambulans a atende a transporte pa hospital.




SUV A SLIP BAI DAL DEN UN KWIHI NA ALTO VISTA



Diasabra anochi a drenta informe di un accidente cu hende herida na Alto Vista. Mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda SUV maneha pa un chauffeur hoben lo a slip riba caminda muha, perde control y bai dal den un mata di kwihi. E impacto tabata basta fuerte. A bin compronde cu e auto lo no tabata tin ningun papel na ordo. Y e nummerplaat lo tabata di un otro vehiculo. Na yegada di e ambulans nan a atende cu e victima cu tabata keha di hopi dolor. Polis a tuma datos di e accidente aki.



JOUVERT MORNING: ARMA CANDELA CONFISCA Y 21 DETENCION



Pa 4:03 di mainta SMAC conhuntamente cu KPA a haci inicio Jouvert Morning 2025 .

E aña aki a uza un ruta diferente cu a cuminsa y caba na Carnaval Village.

KPA a conta cu 160 personal riba pia. Diferente departamento di Cuerpo Policial a traha hunto entre otro Mobiele Eenheid, Flex Team, Polis Uniforma, Departamento di Recherche, Personal administrativo, departamento di trafico y planologie, AE, K9 Unit, Mobiel Commando y OCC como tambe personal di CEA.

Pa 8:49 di mainta e cabez di e parada a yega Carnaval Village y pa 9:25 parada di Jouvert a yega su final.

E aña aki tabata tin 20 detencion di cual departementon di recherche a sigui cu e caso pa mas investigacion.

E detencionnan tabata basa riba entre otro; droga, arma blanc (sker, cuchiu, bat, machete) bringamento, buracheria y

arma di candela.

Durante parada di Jouvert den caya Monseigneur Verrietstraat gang lo a tira otro cu arma di candela y na unda 3 di e sospechosonan a core bay direccion di Carnaval Village na unda cu personal di K-9 a topa cu ne y a detene 3 sospechoso como tambe haya e arma di candela y a confisca esaki . A pasa e sospechosonan pa departamento di

Recherche Pa mas investigacion.

Poco prome cu 11or mainta a drenta un melding na unda tin bringamento cu machetey bat y na Weg Rooi Hundo. Polis uniforma y ME a presenta na unda a detene 5 sospecho. E sospechosonan a wordo pasa pa departamento di Recherche. Aña 2024 tabata tin 21 detencion.



DESPEDIDA DI AYDEN LANOY (19), ACOMPANJA PA UN GRUPO GRANDI DI FAMILIA, AMIGO Y CONOCIRNAN E LA WORDO HIBA NA SU ULTIMO LUGA DI SOSIEGO



Na entierro di Ayden: " Mi yiu mester husticia y no violencia, mi no kier pa niun mama mas pasa den esaki" mama di Ayden

Diabierna atardi Ayden a wordo hiba na su ultimo luga di sosiego, e la wordo acompaña pa un grupo

grandi di amigonan y conocirnan.

Na Ad Patres Funeral Home tabata tin un rij largo di hendepara pafonden solo pa asiba warda nan beurt pa despedi di CJ manera e ta wordo yama tambe.

Na yegada di e restonan mortal na Santana di Sabana Basora, e mama di Ayden a papia cu e hoben ban presente, e mama cu su curason kibra, a roga tur presente y a pone enfasis cu di curason e kier husticia pa su yiu pero no kier violencia.

Tambe e la bisa cu e no kier pa niun mama mas pasa den algo manera e ta

pasando.

FAMILIA TA PIDI

Tambe famia a pidi encarecidamente na tur esnan presente pa "no bay biba cu rabia contra polis, "paso bo no ta gana e hende ney".

Famia a sigui bisa cu ta weekend di Carnaval, bay tur bay Carnaval trankilo sin violencia pero si bo tin rabia keda cas of bay lama. Pues evita pa bo no haya baina.

Prome cu a drenta santana di Sabana Basora, famia a bisa bon cla cu no kier niun problema y lo bringa pa nan haya husticia pa Ayden na un forma legal.

Mama di Ayden: " No bay haci problema, paso lamentablemente Ayden no ta bin bek".

" ibala"

Na e sitio brevemente nos a papia cu un fuente hopi cerca di e famia y nos a puntra y a wordo bisa na nos cu Ayden muy probablemente a ricibi 1 tiro cu tabata e tiro mortal.

Imagina si un di e resto di e otro proyectilnan a drenta un cas, mirando cu unda e tiramento a sosodeta un bario yen di cas.

Mama di Ayden cu lagrima na wowo: " Unico cos mi ta spera cu e no a sufri".

GANADORNAN DI EVENTONAN DI SMAC A RICIBI NAN PREMIO DI SETAR



SETAR como sponsor oficial di Aruba su Carnaval a invita tur e ganadornan di eventonan di SMAC pa Carnaval 71 pa ricibi nan premio di SETAR. Diabierna atardi den un ambiente carnavalesco, representantenan di e Directiva di SMAC, e ganadornan y nan famia tabata presente na SETAR Conexion Center.

Cada ganador, esta Prins y Pancho Infantil, Hubenil y Grandi, Tumberito Infantil

y Hubenil, Calypso y Roadmarch Infantil y Hubenil como tambe ganadornan di Tumba y Reinanan di Carnaval Infantil, Hubenil y Grandi y Señora Carnaval, a ricibi un premio di SETAR otorga pa Hefe di Mercadeo, Roxana Semeleer-Ras.

SETAR pa mas cu 20 aña ta contribui grandemente na nos Carnaval. SETAR ta aporta, entre otro, na nos gruponan di Carnaval di Mucha y na

Carnaval di Noord, p'asina garantisando continuidad di e paradanan pa nos

muchanan por gosa. Como compania nacional, nos ta orguyoso di semper por

contribui na e celebracion di Carnaval, nos fiesta cultural di mas grandi.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



ACCIDENTE ENTRE UN AUTO Y UN SCOOTER RIBA CAYA PAPA JUAN PABLO II



Diasabra atardi a drenta informe di un accidente na Caya Papa Juan Pablo II, mesora a dirigi un patruya na e sitio. Na yegada di e patruya a bin compronde cu aki ta trata di un accidente entre un auto y un scooter unda e auto a bay bira dilanti e scooter sin dun'e preferencia. Afortunadamente ningun hende a resulta herida.



NA TAMARIJN CHAUFFEUR DI UN NISSAN SKYLINE A PERDE CONTROL DAL RIBA UN MATA Y A RESULTA HERIDA



Diabierna anochi a drenta informe di un accidente cu hende herida riba e caminda di Bloemond pa Tamarijn, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda cu e chauffeur di un Nissan Skyline a perde control baha caminda y a bay dal riba un mata.

Debi na e impacto aunke e airbagnan a "deploy" e chauffeur a resulta herida.

Na yegada di e ambulans nan a atende e chauffeur y a transporte pa hospital.



DURANTE CONTROL DI TRAFICO NA SAVANETA, CHAUFFEUR BURACHI TA OCASIONA BOKSMENTO



Savaneta - Diasabra Morning polis a tene su mainta despues di Jouvert control di tur anja despues

di paradanan grandi na San Nicolas.

Algo pasa di 9’or y mey polis motorisa tawata bezig cu su control y dado momento a surgi un boksmento, entre 3 auto.

Mesora nan a bay atende esaki. E autonan envolvi tawata un Kia Serato, un Toyota pickup y un Chevrolet Aveo.

Mirando cu ta e Kia ta esun cu a ocasiona e accidente door di no mantene distancia, polisnan a pone supla, o sea a usa e Alco-Sensor. Manera nan a sospecha, e chauffeur tawata coriendo bou influencia y mesora a bay over na detene y alabes pidi transportwagen.

Daño material na e otro




autonan ta considerabel. personal. No tawata tin daño

NISSAN MARCH A SLIP RIBA CAMINDA MUHA BAY DAL AUTO PARA



Diasabra madruga a drenta informe di un accidente na e crusada di Cura Cabay cu hende herida, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda e chauffeur di un Nissan March a slip riba caminda muha y a bay dal un auto staciona banda di caminda cu 2 persona aden y nan a resulta herida. Na yegada di e ambulans nan a atende e victimanan na e sitio.



Aruba under- 17 ta sera torneo concacaf cu un victoria contra di Grenada




Nos mester bisa Aruba a domina partido completo pero no tawata probecha di e chance nan cu nan tawata crea.

Aruba ta habri marcador por medio di un cabezazo di Travis Wever. Grenada ta saka bala y mesora pasa un bala largo y ta recibi un penalty y asina nan ta empata e partido 1-1

Aruba no a give up mesora a bai buska e victoria y den 90min + den un tremendo toke di bala Jaydrick Panneflekk ta pone un cruse precies pa Max Obispo drenta kop e bala pa Aruba gana Grenada den pito 2-1

Aruba ta termina na 3 luga den Pool G.

ACCIDENTE PA FALTA DI PREFERENCIA NA ROTONDE BALASHI



Diabierna anochi a drenta informe di un accidente na e rotonde Drive Inn, mesora a dirigi un patruya na e sitio.

Na yegada di e patruya a

bin compronde cu aki ta trata di un accidente unda un Pick-up a yega subi e rotonde dilanti di e Nissan March y a dal den otro . Afortunadamente ningun hende a resulta herida.

Chauffeur di van a bay maniobra pa reverse y a dal auto staciona




Diasabra anochi a Beach, mesora a dirigi b i n unda e chauffeur a bay ningun hende a resulta
drenta informe di un un patruya na e sitio. compronde cu aki ta reverse y a dal un otro herida.
accidente na Palm Nayegada die patruya a trata di un accidente auto. Afortunadamente















TURISTA A CAY DI E TRAPI NA BOCA MAHOS



Boca Mahos - Diasabra atardi un tour
guide lo a informa cu un turista a cay di e
trapi di palo cu ta baha na e baranca.
Despues di basta rato ambulance a yega
y a papia cu e tour guide, unda e la splica
nan kiko a sosode.
Parse cu e turista masculino pa un of otro
motibo durante cu e tawata na e trapi
aparentemente lo no a wanta bon y ta cay.
E turista tawata papia cu e Paramediconan
y por mira cu apesar cu e la ricibi basta
golpi y rasco tawata mustra "ok".
E la cana subi ambulance y despues nan
a sali direccion Hospitaal cu ne pa mas
tratamiento.



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Anochi - February 16, 2025

 Sorteo # 8475 6111 4301 0513  FP  Sorteo # 7519 5391  X2  Sorteo # 2224 1392  Sorteo # 6278 0021 Capricornio  Sorteo # 1208 983  FP	 Sorteo # 2568 0 x Jackpot 0 x Match 4+ 7 x Match 4 216 x Afl. 12,00  Sorteo # 6744 0 x Jackpot 7 x Match 4 126 x Afl. 8,00  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00  Sorteo #  Sorteo #	07-10-15-22-31 Joker 16 Letter J Proximo Jackpot 120.000,- 01-12-16-20-28 Proximo Jackpot 87.000,- Mega Ball Proximo Jackpot 1.850.000,- Afl. 2.850.000,- 
---	---	--

7 CHAUFFEUR DETENI DESPUES JOUVERT MORNING



Durante y despues di Jouvert Morning unidad motorisa a tene nan control di trafico na diferente puntonan strategico rond nos isla.

A controla mas cu 500 vehiculo di motor y a detene 7 chauffeur pa maneha bao di influencia di alcohol.

Durante e control aki 4 chauffeur a perde nan rijbewijs “ingevorderd”

y nan lo mester presenta dilanti huez pa trata nan caso. 2 mester a paga un transactie boete di afl 650,-


Aña 2024 tabata tin 14 detencion.

Cuerpo Policial Aruba ta hopi contento cu e resultado y ta keda

recorda un biaha mas, si bo ta bebe of ta bou influencia NO stuur. Busca Bo Amigo Responsabel pa stuur pabo. # B.A.R..

Controlnan di unidad motorisa lo continua durante y despues di cada evento di carnaval

ACCIDENTE PA FALTA DI PREFERENCIA NA POS ABAO, CHAUFFEUR SIN RIJBEBWIJS



Diasabra atardi a drenta informe di un accidente na e crusada di Pos Abao, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda un Nissan March biniendo for di Pos Abao no a duna preferencia na e Hyundai Accent bayendo pariba direccion Hato y nan a dal



otro. E Nissan March su wiel dilanti banda robes a keda

kibra y e auto no por a sigui core y un chauffeur no tin rijbewijs mes.

DAMA MALTRATA CU GOLPI Y SCOP NA POS CHIKITO



Diabierna atardi a drenta informe di cu tin un dama maltrata cu golpi y scop banda di Iglesia Santa Famia na Pos Chikito, mesora a dirigi tanto polis como ambulans na

e sitio.

Na yegada di e patruya a bin topa e cu e dama benta den un pida mondi y a compronde cu e dama a ser agredi pa un

persona cu mokete y scop. Na yegada di e ambulans nan a atende e dama y a transporte pa hospital.

Polis a haya sa ken ta e agresor y a sali bay busk'e.



DAMITA DI 23 AÑA A BEBE 84 PILDO, 60 DI UN PAKI Y 24 DI UN OTRO



Diasabra atardi a drenta informe di cu un damita di 23 aña a bebe 60 pildo di un sorto y 24 mas di un otro sorto, mesora a dirigi un ambulans na e sitio. Na yegada di e ambulans

a bin compronde cu e damita a saca por lo menos 6 biahha caba y nan ta wak e un poco suak y ta perdiendo forza. Nan kier a transporte pa hospital pero ela nenga.

Clasificados





SOLODIPUEBLO@GMAIL.COM
CEL. 585 9500



FORTALEZA PA FAMIA

Scirbi pa Pastor Marcel Balootje.

LAGA SENJOR GUIA BO PASONAN

No ta nada nobo, no ta algo cu hende por bisa cu nan no a tende nunca, e ta asina, y a yega e momento cu tur hende mester tuma Dios su palabra na serio, y ripara na unda nos ta, riba e mundo cual nos ta biba y tuma un decision serio ken ta guia nos pasonan.

E palabra di Dios ta bisa lo siguiente; E ladron ta bini solamente pa horta, pa mata y pa destrui. Ami (Cristo Hesus) a bin pa nan tin bida, y pa nan tine na abundancia.(Juan 10:10).

E ladron cual ta e diabel ta bini pa horta for di bo, horta bo finansas, pone bo gasta mas de la cuenta, of biba un bida for di bo forsa, cu un maneho financiero hopi malo.

E ladron ta bini pa horta bo matrimonio y bo famia, pasobra e ladron(

diabel) no ta gusta union familiar, e ta enemigo di fieldad, desencia, amor, e ta bon na altura kico ta nifica matrimonio, y con poderoso un matrimonio ta den bista di Dios.

E ladron ta bini pa kita libertad di hende, pa domina pensamiento di hende, pa sembra maldad y malicia, pa causa accidente, rebeldia, inmoralidad, crimen, perversidad, tur esakinan pa desvia hende for di e caminda di Dios.

E ladron ta bini pa mantene hende den scuridad, pa nan rechasa e plan di Dios salvacion cu Dios a ofrece na henter mundo (Juan 3:16), pa nan biba cu nan wowo sera, y no mira realidad di Dios, y reconece cu solamente Cristo Hesus ta hiba nos na bida eterna.

ladron ta troce e berdad, cambiando e berdad di Dios pa mentira, pone hende kere cu nan por biba manera kier, haci cambio den nan bida tanto mental, como fisico, y bay completamente contra naturalesa di Dios, y asina biba bao di condenacion. Pasobra e palabra di Dios ta bisa hopi cla, esun cu kere lo ta salba, pero esun cu no kere lo ta condena caba.

E ladon ta pone hende kere cu nan no tin di honra na

tata y nan mama, nan no tin mester di respeta autoridad, pasobra esey ta e motibo cual Dios a corre cu e angelnan rebelde for di cielo, pa motibo di orguyo y rebeldia. Y esey ta locual ta pasando y ta para scirbi den 2 Timoteo 3:1-9 tocante temponan trabahoso.

Nos ta bibando den un tempo cual tur hende lo mira manifestacion di diabel riba e mundo aki y tur caminda, pasobra tur locual ta accidente, tur locual ta crimen, tur locual ta inmoralidad, abominacion, perversidad, violacion, atraco, malversacion, rebeldia idolatria, bruheria, santeria, mentira, adulterio, tin nomber, faam y donjo: Nan ta obra di diabel, di demonjo, di satanas, pasobra den ningun di e cosnan aki e Spirito di Dios no ta.

Dios no ta manda ningun hende bebe burachi, corre irresponsabel causa accidente, Dios no ta manda ningun hende keda sin respeta polis, Dios no ta manda ningun hende baila immoral y indecente riba caya, y cu un conducta immoral.

Dios no ta manda ningun hende bringa, Dios ta amor, Dios ta lus y den dj'E no tin nada, nada di scuridad, ora un hende ta comete su maldad, rebeldia, bagamunderia, ta e hende mes ta haci su cos, door di laga e diabel ganje pa asina bay contra e palabra di Dios, comete pica, cual ta hiba na morto spiritual, y contra ley cu por hiba na morto fisico. (Santiago 1:13-15).

Awor mas cu nunca ta tempo pa entrega nos bida na Cristo Hesus y laga E guia nos pasonan.

Oracion di dia

Un feliz dia yena di hopi fe y speransa den nos bon Dios

"...sino conta e generacion venidero: esta gloria di Señor, su poder, ye cosnan milagroso c'El a haci." (Salmo 78, 4bc) E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, Cristo Hesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cu Dios. Pero anos a sigui conta nos yiunan tocante di Dios manera nos grandinan a haci? Anos a siña e hubentud tocante e milagronan y sacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba e caminda cu Cristo Hesus a traha pa nos. "...pa nan tambe confia den SEÑOR, no lubida Dios su obranan grandi..." (Sal 78, 7) Oracion: Señor mi Dios motiva mi y guia mi, cu yudansa di Spirito Santo, ariba mi responsabilidad pa conta y educa e generacion nobo di

Bo Maraviya.

Y inspira nan pa nan sigui conta na e siguiente generacion.

Amen.

Paga bo cuenta online ta facil

Sea
Abonnement
of Aviso

Pago online,
facil y lihe

Pa hasi pago online pone nomber y adres na
cuenta di banco RBC Sunmax Printing
account # 7700000100152447

DURANTE EHERCICIO, CICLISTA A CAY Y DAL SU CABES



Alto Vista - Diasabra mainta unidad di Brandweer y Ambulance a sali direccion kapel di Alto Vista.

E motibo tawata cu un

ciclista a accidenta panort di e Kapel. Ta asina cu e ciclista lo a cay y dal su cabes hopi duro.

Esaki a causa cu e la bay for di tino, y dado momento e persona cu tawata hunto

cu ne a ripara cu su color a cuminsa cambia.

Mesora a bati alarma. Mirando unda e incidente a pasa Ambulance no por yega, a usa un pickup di brandweer y un pickup cu ta e Rapidresponder di Imsan.

Despues di basta rato cu a estabilisa e ciclista y pone den baki di e pickup di Imsan a core poco poco y yega e parkeerplaats pariba di e Kapel.

Ey nan a pas'e over pa e ambulance cu lo mester a sali cu ne direccion Hospitaal.

Segun Prome Minister Evelyn Wever-Croes: Turismo ta wordo maneha cu un vision mas balansa

E vision turistico di gobierno ta pone enfoke riba balans entre desaroyo y medio ambiente. Prome Minister Evelyn Wever-Croes a declara durante un entrevista den Interes di Pueblo,

cu compara cu e gobierno anterior, cu a duna hopi tereno, e gabinete actual a pacigua e situacion y a establece ley pa proteha 59% di e pais.

SUDOKU

		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

							3	9
	8							5
		9		6		8		
		5		9				6
7								
		8	4		6			
		3		8			5	
	2		7			6		
4						1		

LEY CU TA LIMITA UZO
DI PRODUCTONAN DI
TABACO






**PROTEHANDO
SALUD
PUBLICO**

6 Ta prohibi pa vende of duna
productionan di tabaco na
personanan bou di 21 aña

 **ARUBA LIBER DI TABACO** 

Clasificados



SOLODIPUEBLO@GMAIL.COM
CEL. 585 9500 

SABIDURIA DEN NOS ALEGRIA

Skirbi pa Ruthy”Lady Ruth”Vrieswijk-Bergen



Ahaaaa! Ata aki algo di mi presentacion di mi prome buki na papiamento pa mucha. Como escritora autor Lady Ruth, mi por comparti e dushi atardecer anochecer na UNOCA cu un bunita programa impactante cu a tuma lugar un luna pasa. Boso por a lesa, scucha y mira Lady Ruth den e.o. Diario, EANEWS, na Tele Aruba, den Mainta cu Lelicia, Bon dia cu Lyo y tambe den programa di

Tanchi Esme na Top 95. Mi bunita madrina tawata Juffrouw Anna Diaz, mi guapo padrino Dr. Ike Posner. E yui homber Aaron di Anna a saca e buki for di un bunita saco di panja colorido y a puntra su mama : “Mama, lesa pa mi e storia di RENE SU DUSHI WEGA ? Padrino Dr. Ike a inspira letranan positivo bunita elogiando y gradiciendo mi pa duna asina hopi na nos comunidad semper

y awor cu mi prome buki na papiamento pa mucha “Rene su dushi wega”. El a laga un programa riba computer hinka melodia bunita laga su letranan bira un dushi, un super dushi y bunita cancion pa Lady Ruth. Nos a keda super contento mes ! Nos a hasta bayle ! Dr. Ike , nos amigo di hopi anja (den presencia di su bunita sra.esposa Milly) a recita tambe e poema na ingles skirbi pa nos bon amiga Verna Beaujon dedica na Lady Ruth, den un forma tremendo tambe ! Un bunita poema di amistad, con mi ta como su amiga. Hopi bunita ! Richard Dabian “Oompie Riechie” a presenta un impactante segmento di limpieza usando rimanan for di den e buki di Ruthy, actuando esaki den un forma super super nice mes ! Anto den su outfit cu sombre ya se sa. “The best guitarman Jerry Diaz”, esposo guapo di Juffrouw Anna y tata di Aaron, un mucha super inteligente y bon mucha, a percura pa e dushi ambiente musical. Sra. Luty Martinez tawata e maestra di ceremonia cu a hasi un nechí trabao, mirando e biahnan cu Lady Ruth tawata hinka su bos aden, floriando e anochi un crenchi mas, ora cu “algo bunita” tawata surgi den su inspiracion di curason, crea mas dushi ambiente pret y hopi agradabel . Nos a canta hunto cu tur presente dos cantica di lesamento riba melodianan fia di canticanan existente y nos a saborea dushi snacks y juice of refresco. Danki na e 4 lidernan scout dinamico di grupo San Domingo pa a encarga nan mes cu e



partimento. Especialmente na mi best sister friend lieve mooie Sharlyn Farro y su yiu homber Phelan . Danki na miembranan di prensa pa nan presencia y atencion duna na Lady Ruth cu su buki “Rene su dushi wega” cu dos bunita mensahe: tene bo lugar limpi y cu ayudo profesional muchanan cu no por a pronuncia e “r” of e “sh” ainda, ta bin papia bon. Mientrastanto nos a entrega e presidente di UNOCA e gentil cabayero sr. Marvin Odor dos caha di buki.

Ta UNOCA a patrocina henter e proyecto aki di buki “Rene su dushi wega” cu layout y ilustracionnan bunita di e artista stima y conosi Irene Peterson. Asina cu tempo permiti nos lo ta na Plaza Bookshop atrobe pa firma buki y tambe na Boekhandel Van Dorp, ambos den Dakota tur dia. Mientrastanto e buki ta obtenibel na e dos librerianan aki y serca mi persona mes tambe. Nos ta conclui nos relato di e siman aki , mandando un saludo di curason pa nos bunita amiga di Dakota tur dia, Sra. Eugenie Schenker cu nos a topa recientemente cu su bunita smile irresistible, un di nos dushi hendenan profesional bendiciona y tambe cu un pabien grandi pa mi cunya, mi dushi sister-in-law

“beautiul Mirla Bergen-Boekhoudt” kende a cumpli un anja mas di bida recientemente cu un dushi celebracion intimo cu un dushi desayuno na Double Down y anochi otro celebracion cu lieve Mirla y su guapo esposo Ro den un dushi y bunita restaurant, hunto cu nan yuinan y nietonan. Lady Ruth ta spera cu tur nos fiel lectornan a pasa un dushi dia di San Valentin cu e sernan precioso cu boso ta stima . Corda si, cu tur dia ta dia pa nos sigui stima otro cu respet y gradicimento na Dios pa su guia y proteccion cada dia. Cu amor grandi pa nos pareha y cu amor grandi pa nos famia y amistadnan rond di nos. Esaki mi a skirbi pa mi Valentino pa bida largo, e biaha aki, algo chikito na hulandes :”

“VERLIEFD”

Nog steeds verliefd op mijn liefste die mij lief heeft

Met veel liefs in onze liefde Nog steeds verliefd met hart en ziel

Geluk vanuit het diepste.....

Ruthy & Johan (Valentine “biew” di otro pa casi 50 anja caba !) E ta bisa nos ta “semi-anciano” y ami ta bisa nos ta “biew di ganja ganja “, hahahahaha !!!! Shonnan tur, pasa un dushi dia yen di sabiduria den nos alegria !!!!